

01 公園

游勝榮

這站仔，阮兜附近的榮星公園實在是有夠鬧熱的啦！因為舊矸仔貯新酒、舊店仔賣新貨！市政府佇舊年尾，共要甲強強欲臭殍去的兒童遊樂區，攏重整理過，真緊就隨閣開放予逐家迫退矣！

新的設施，毋但有規大片的塑膠地毯、一大窟的幼沙仔，閣有增加誠濟好耍的物件，親像講上蓋新型的趨流籠、空中行吊索、吊雙環啦……，有幾若項，攏是因仔人上俗意要的。

這層予人歡喜的代誌，電視新聞嘛有報過幾若擺。來遮耍過的人閣常在佇網路頂懸食好鬥相報，所以講，無論是遠路抑近路、大漢抑細漢，誠濟人攏會曉欲恁因仔來遮迫退，逐个攏嘛耍甲歡頭喜面笑哈咯。

若是挂著歇睏日仔，彼誠實會驚倒人，會使講是人山人海、洩杭杭，有當時仔連欲倚都強欲揣無位。有一半仔閣較古錐，規氣共『thian-tooh』順紲紮來，中晝閣叫人共便當送到位。就按呢，大細漢因仔食晝、睏晝攏佇遮做一擺解決，真正是一兼二顧，實在是有夠心適的啦！毋但大人滿意，因仔閣較免講，來遮耍一擺就牢咧，定定嘛看因仔走咧予大人逐。大人喝規晡，因仔都欲若毋咧，叫攏

叫袂振動。若無，就是佇遐張、佇遐軀，佇遐孔毋轉去。這嘛莫怪，個定攏予人關佇厝裡，若恁出來耍，當然嘛像鳥仔放出籠，四界砵砵。

會記得做因仔的時陣，和厝邊隔壁的因仔伴耍的，若毋是拍干樂、擲珠仔、搵尪仔標，就是灌杜猴、欲蝶仔、釣四跤仔，有的無的，耍法是加倜趣味咧，哪有像這馬的都市因仔，會當耍的極加嘛是遮的遊樂設施爾，看著一點仔趣味都無。是講因仔有通耍就好，一時風駛一時船，時代咧變、因仔的耍法咧變，咱的想法嘛愛綴咧變，若無，是會予人笑咱是老古板呢！

毋管時代按怎變，因仔全款攏是爸母的糖霜丸，看市政府重整理榮星公園予因仔耍、看大人閣願意陪因仔出來耍，看甲我這個退休的阿伯仔嘛綴咧變少年，綴個咧「老人食麻油」——鬧熱啦！

06 頭一擺的音樂會

王雪瑜

今仔日是我頭一擺佇中興堂的大舞台頂表演，這是我一年來的向望。為著欲上台，我穿一軀白色的短衫短褲，面頂有藍色俗紅色的花草，看著誠影目。透早就來排練到今，雖然是恰逐家同齊演出，毋過，看著台跤密甯州的人，我嘛是緊張甲雙跤吮吮掣，雙手一直流手液，按怎拭都拭袂焦。老師一直交代阮表演的時陣愛有笑容，毋過，逐家攏緊張甲笑袂出來。布幕一下摸懸，指揮老師的手一下比，我就綴節奏開始輕輕敲木琴。拄開始節奏慢慢仔，敢若鴨仔咧行路。聽著後壁的大鼓愈拚愈大聲、愈拚愈緊，袂輸火車對遠遠的所在欲衝過來，我手中的木琴槌仔嘛綴咧愈敲愈緊，一時仔敲正引、一時仔敲倒引。身軀綴音樂搖來搖去，煞尾鼓聲一下停，指揮老師的手隨擲懸，表演結束。噗仔聲響起，我規個人隨快活起來，這時陣我歡喜甲笑出來。想著會當恰表姊仝款上台表演實在誠無簡單。

舊年拄歌熱的時陣，表姐足歡喜共我講伊八月俗音樂教室欲佇中興堂表演，問阮規家伙仔欲去聽伊的音樂會無？阿母聽了隨應好。猶會記得音樂會彼工，表姐穿一領柑仔色的 Ha-uá-ih 草裙，領頸掛一掙花箍，手提一台飛行機，綴指揮老師行入舞台，表演的歌曲是「來去 Ha-uá-ih」。台

頂的伊面帶笑容，身軀綴音樂的節奏搖來搖去。沙鈴、鈴鼓恰邦哥鼓快速的節奏，敢若熱情的舞步，一直徙位，一直扭尻川花。繼落來木琴的聲音加入來，敢若粟鳥仔咧啄米，遮一下、遐一下。雖然節奏無拄才遐緊，毋過，予人有一種聽著心花開的感覺。就是這種感覺，予我決定欲綴表姐的跛步，來去學木琴，想欲恰伊仝款倚佇舞台頂表演予逐家看。

為著今仔日的表演，我連繼兩個月，逐工都練習兩點鐘。落尾這四擺上課攏愛排練，予我心情一直足緊張的。落台了後，老師問阮明年欲閣來開音樂會無？愛風神的我，真有氣魄共老師頷頭。

07 快樂的兒童節

吳秀卿

今仔日是學校一年一擺的兒童節慶祝活動。踏入校門就看著司令台布置甲嬭噹噹，五花十色的雞胗仔，敢若一座美麗的城堡。運動埕頂頭一排一排的風吹輪綴風一直轉、一直覓，若咧跳舞、若咧唱歌歡迎阮遮的小公主、小王子。八點鐘仔聲靈，校長就敲鑼宣佈活動開始。一大陣的學生因仔親像放出籠的鳥仔，衝對運動埕去。頭前排是灌風的跣流籠、電動機車站、雪文波王國、投籃勇士隊、野球九宮格，有夠鬧熱！閣較內底猶有電影院、小丑仔樂園。哇！學校變做一個遊樂園呢！英雄看著美國隊長、蜘蛛人佇入口迎接阮，原來逐關的關主攞是老師妝的。

我先去騎電動 oo-tóo-bái，體驗騎車的威風，才閣去小丑仔樂園。小丑仔阿叔有夠古錐，伊做足濟好耍的動作共逐家弄甲笑哈哈，閣予阮捏伊的紅鼻仔，捏一下就吱一聲、捏兩下就吱兩聲，害阮笑甲攬腹肚。紮落來，閣去上蓋受歡迎的電動投籃球機台，排隊的人衆艮長。誠無簡單輪著我，我就功夫盡展，連紮投三粒入去，趁三塊糖仔。

用野球擊九宮格閣較愛靠技術，我球提咧相準準大力擊出去，輕輕鬆鬆就共九個格仔攞擊倒，現場喋仔聲靈袂煞，予我足有成就感的！上尾，走去電影雪文泡王國

耍，會使講逐項攞耍透透，耍甲足歡喜的，我感覺阮正港是今仔日上奢颺的主角。

十一點一下到，逐家攞準時集合，因為上刺激的節目就欲起鼓矣！彼就是班級跣灌風的跣流籠比賽。聽著甯仔聲，規班衝對跣流籠退去。逐家團隊合作，下面的人共頂面的人鬥揀，一個接一個拚命跣起去頂懸。等規班攞跣到各位才同齊跣落來，雖然逐家攞跣甲大粒汗細粒汗，毋過，笑容是遐爾甜、遐爾仔滿足。這場比賽嘛是今仔日上精彩的『Ending』。

這擺的兒童節活動，袂輸一場刺激的冒險，嘛親像眠夢全款。感謝所有的老師佻志工，替阮設計遮爾心適的活動，予阮會當歡歡喜過一個快樂的兒童節。